

ուած են այսօր Ռուսաստանի եւ Հայաստանի դռները՝ համաշխարհային եւ Սորհրդային դրանազիտութեան բազմահազար զոհերի առջեւ: Այսչափ դաժան լինել չէ կարող, խոստովանենք այդ, ոեւէ ոուս կիսաավարութիւն՝ ապագայ ազատ Ռուսաստանում: Անկարելի է, որ նա հայ փախստականների առջեւ՝ գէթ այն չափով բաց չանի իր եւ նրանց, այդ փախուտականների, հայրենիքի դռները, որչափ արաւթէկող մի փոքրիկ, պարտուած ու աղքատացած բուլղարիա կամ Յունաստան:

Ինչ խօսք, ապագայ դաշնակցային Ռուսաստանի մի ինքնավար մասը կազմող Հայաստանը տակաւին այն անկախ Հայաստանը չէ, որ կազմում է մեր քաղաքական ձգտումների առարկան: Բայց դա մի կարեւոր հանգրբումն պիտի լինի դէպի ցանկալի անկախութիւնը, որ դալ կարող է նաեւ ուրիշ, արտաքին ու ներքին նպաստաւոր պայմանների դասաւորումով, որին դէմ չլինի անգամ Ռուսաստանը՝ իր իսկ շահերի տեսակէտից:

Ուրիշ խօսքով՝ գերիշխան, անկախ Հայաստանը վերատեղծուել կարող է սրպէս արդիւնք միջազգային ոյժերի նոր դասաւորման, ուր ազատ Ռուսաստանը կարող է մինչեւ իսկ նախաձեռնողի դեր ստանձնել, քանի որ միանգամայն հնարաւոր է հաշտեցումը անկախ Հայաստանի եւ ազատ Ռուսիոյ քաղաքական շահերի:

Բոլոր պարագաներում՝ անկախ, գերիշխան Հայաստանն իսկ՝ անտեսական եւ քաղական որոշ յարաբերութեան մէջ պիտի մտնի, իր իսկ շահերից դրդուած, ինչպէս իր դրացի երկիրների, այնպէս եւ ապագայ Ռուսաստանի հետ:

Քաղաքական անկախութիւնը ինքնանպատակ չէ մի ազգի համար, այլ միջոց՝ նրա բովանդակ ոյժերը բազմակողմանիօրէն զարգացնելու համար: Անհնար բան չէ երբեք, որ այս իսկ՝ ազգային գերագոյն շահերի տեսակէտից՝ մի ազգ յանձն առնի իր կատարեալ անկախութեան, գերիշխան դոյութեան մի որոշ սահմանափակումը:

Եւ իսկայէս, ազգերի քաղաքական զարգացումը միայն, ուղղագիծ ընթացք չունի: Մի կողմից նա տանում է դէպի ինքնուրոյնու-

թիւն, իսկ միւս կողմից, վերջինիս սահմանափակման գնով, դէպի մերձեցում եւ կապակցութիւն ուրիշ միաւորների հետ: Կեդրոնացումը եւ ապակեդրոնացումը իրար համընթաց երեւոյթներ են: Ազգային-մշակութային պահանջը նպաստաւորում է միշտ ապակեդրոն կարգերում, իսկ անտեսականը՝ կեդրոնացման ճամբայով: Դրանով պիտի բացատրել որ, օրինակ, մաքսային պատնէշները վերացնելու անհրաժեշտութեան առաջ պատրաստ են իրենց վեհապետական որոշ իրաւունքներից հրաժարուել անգամ մեծ պետութիւնները:

Ոնգիբը գրանում չէ, ոչ էլ անկախութեան շրջանակի մասին: Վերջինս կարող է լինել լայն կամ նեղ, անգամ բաւական սահմանափակուած՝ դաշնակցային կարգերով, նայած պայմաններին եւ իրական ոյժերի յարաբերութեան:

Եւ եթէ մենք քննադատում ենք «Սորհրդային Դաշնակցութիւնը», ոչ թէ նրա համար, որ դաշնակցային կազմը բոլոր պարագաներում ժխտելի է մեզ համար, ընդհակառակը, այլ նրա համար նախ, որ Սորհրդային «Դաշնակցութիւնը» բնաւ դաշնակցութիւն չէ եւ չէ կարող լինել: Եւ երկրորդ նրա համար, որ այդ վարչաձեւը պարտադրուած է հայ ժողովուրդին՝ օտարի ձեռքով, սուրհմների ոյժովը: Ապա թէ ոչ, անկարելի բան չէ, մինչեւ իսկ հաւանական է, որ — կրկնում ենք միշտ՝ տուեալ իրական պայմաններում — հայ ժողովուրդը, ազգային կատարեալ ինքնորոշման իրաւունք իսկ ունենալու պարագային՝ իր ազատ քուէն տայ յօգուտ դաշնակցային կապի՝ ինչպէս իր դրացիների, այնպէս եւ Ռուսաստանի հետ:

Արդէն իսկ ազգերի ազատ ինքնորոշումն է ամէն մի իսկական Փեղերիացիայի հիմը:

Ահա այդ՝ ազատ ինքնորոշման իրաւունքն է, որին պիտի ձգտի հայ ազգային քաղաքականութիւնը, անկախ այն հանգամանքից, թէ նա ի վերջոյ կատարեալ անկախութեան պիտի յանգի, թէ՞ դաշնակցային կամ դաշնազրային կապի՝ Անդրկովկասեան երկիրների եւ Ռուսիոյ հետ միանգամայն:

XI

Ազատ, անկախ եւ միացեալ Հայաստան — ահա, ուրեմն, հայ ազգային քաղաքականու-